



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

VVormacen. Episcopo.

urn:nbn:de:hbz:466:1-20006

sententiam, quam in ipsos propter hoc ratione prævia tuleritis, ratam habebimus, ipsamque faciemus auctore Domino usque ad satisfactionem congruam firmiter observari. Provideatis autem, ut quilibet vestrum tamdiu faciat eandem sententiam per suam diocesim observari, donec mandatum nostrum celesti fuerit executione completum. Datum Laterani VIII. Idus Martij.

VVORMACIEN. EPISCOPO.

Epiſt. 44.
Vi ſextum con-
verſionis beati
Pauli celebre,
& faciat per
ſuam diocesim
ſolemneriter cele-
brari.

CVM post evangelicam veritatem Ecclesia Dei apostolica præcipue doctrina reflendeat, & beatus Paulus ad instructionem gentium & fidem catholicam propagandam præ ceteris apostolis laborarit, miramur non modicum, & movemur, quod, sicut nostris est auribus intimarum, festum conversionis ejus in diocesi tua non colitur, licet passionis anniversarium ibi solenniter recolatur; cum non minus conversio ejus, quam passio, sit christicolis omnibus veneranda. In conversione siquidem Sau-lum ab impugnatione fidelium revocavit dispensatio Iesu Christi, in passione vero Paulum ob prædicationis officium Neronis crudelitas interfecit. Ibi dextera Domini fecit virtutem, hic tyranni gladius intulit passionem. Ibi Dominus animam persecutoris salvavit & corpus, hic servus nequam apostoli predicantis corpus sine anima lafione periret. Præterea non paucioribus ejus conversio contulit, quam passio profuisse, cum plures sint, ad quos prædicatio-nis ejus sonus exiverit, quam qui ejus exemplo subierint passionem. Nobis enim vivendo profuit, sibi contulit patiendo. Nobis etiam jam conversus, ut similes ejus essemus, exceptis vinculis, cuperat. Sibi autem dissolvi, & esse cum Christo, affectabat ardentiū moriturus. Nec ipsis fuisse passio gloriofa, nisi sancta conversio præcessisset. Cum igitur ob ipsis merita ex antiqua Ecclesiæ institutione festum conversionis ejus à fideli-bus recolatur, & turpis sit omnis pars suo toti non congruens, nec deceat à capite membra discedere, fraternitatem tuam monemus & exhortamur in Domino, ac per apostolica scripta præciendo mandamus, quatenus juxta consuetudinem apostolica sedis, cuius magisterium imitari teneris, festum conversionis ejusdem apostoli & tu ipse observes in poste-

rum, & facias per toram Wormaciensem diocesim solenniter celebrari, in honorem ipsius apostoli divinis laudibus diligenter & sollicitius vacaturus. Datum Laterani Nonis Martij.

V N I V E R S I S P R E S B Y T E R I S
per decanatum de Sparnon. in Carnoten.
dioceſi conſtitutis.

CVM prelati Ecclesiarum ad id quod pium & canonicum est, discreta consideratione trahuntur, cum frequenter detur usus proclivior in pejora, & libenter audimus, & eis in his favorem apostolicum indulgemus. Quoniam igitur ex publico instrumento venerabilis fratris nostri Reginaldi Carnoten. Episcopi nobis manifeste innotuit quod ab omnibus violentiis, talies, & exactiōnibus vos perpetuo absolvisset, & super hoc suum vobis privilegium indulſiſſer, ne contra juris ordinem in aliquem vestrum aliquando suspensionis sententiam promulgaret, nec res alicuius veſtrum occuparet aliqua ratione, niſi forte decederet intestatus, & hoc idem sit per venerabilem fratrem nostrum Senonen. Archiepiscopum & dilectos filios Capitulum Carnoten. Ecclesiae confirmatum, prout in instrumentis eorum noscitur plenius contineri, ad postulacionem vestram, ut ab indebito cesseret gravamine, robur confirmationis apostolicae duximus apponendum, & ad majorem rei evidentiam ipsius authenticum confirmationi nostræ de verbo ad verbum mandavimus inferendum. *Raginaldus Dei gratia Carnoten. Episcopus omnibus ad quos litera ista pervenerint, perpetuam in Domino salutem.* Cum hucusque nostris & prædeceſſorum noſtrorum Episcoporum Carnoten. temporibus presbyteri episcopatus Carnoten. talies & exactiōnibus oppresi fuerint indebiti & gravati, hoc etiam in oculis omnium videatur omni bono diffonum, & saluti anime contrarium, proborum hominum ſano confilio utentes, & saluti anime noſtri providentes, universos presbyteros in decanatu de Sparnone constitutos ab omni vi, violentia, talies, & exactiōnibus perpetuo absolvimus. Ita etiam quod nullus presbyterorum decanatus de Sparnone, niſi ordine judiciario, suspendi poterit, nec res alicuius satisfientur, niſi ipsum intestatum (quod abſit) viam universa carnis ingredi contigerit. Si quis autem haic noſtræ conſtitutioni obviare ſeu contrarie-

Epiſt. 45.
De conſirma-
tione privilegiij
eisdem conceſſi
ab Episcopo
Carnoten.

D